

12 апреля 2020 года

ВЕЧЕР НЕДЕЛИ ВАИЙ

**Последование вечерни и малого повечерия
для домашнего (келейного) совершения**

ВЕЧЕРНЯ

Молѣтвами святѣх отѣц на́ших, Го́споди Иису́се Христѣ, Бо́же наш, помѣлуй нас. **Амѣнь.**

Сла́ва Тебе́, Бо́же наш, сла́ва Тебе́.

Царю́ Небе́сный, Уте́шителю, Ду́ше и́стины, И́же везде́ сый и вся исполня́яй, Сокро́вище благи́х и жи́зни Пода́телю, прииди́ и всели́ся в ны, и очисти ны от вся́кия скве́рны, и спаси́, Бла́же, ду́ши на́ша.

Святѣй Бо́же, Святѣй Кре́пкий, Святѣй Безсме́ртный, помѣлуй нас. Трижды, и три поклона.

Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. Амѣнь.

Пресвята́я Трѣ́ице, помѣлуй нас: Го́споди, очисти грехи́ на́ша; Влады́ко, прости́ беззакѡ́ния на́ша; Святѣй, посети́ и исцели́ немо́щи на́ша, имене Твоего́ ра́ди.

Го́споди, помѣлуй. Трижды.

Сла́ва, и ны́не:

О́тче наш, И́же еси́ на Небесе́х, да святи́тся и́мя Твое́, да прии́дет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должникомъ нашим; и не введи́ нас во искуше́ние, но изба́ви нас от лука́ваго.

[Я́ко Твое́ есть Ца́рство и си́ла и сла́ва во ве́ки. Амѣнь. (Мф. 6: 9-13)]

Го́споди, помѣлуй, 12.

Сла́ва, и ны́не:

Приидите, поклонѣмся Царевѣ нашему Богу.

Приидите, поклонимся Христу, Царевѣ нашему, Богу.

Приидите, поклонимся и припадем Самому Христу, Царевѣ и Богу нашему.

ПСАЛОМ 103

Благослові, душе моя, Господа. Господи, Боже мой, возвеличился еси зело. Во исповедание и в велелепоту облечлся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя дүхи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды каменія дадут глас. Напаяяй горы от превыспренних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедр Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокия еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благи, отвращшу же Тебе лице, возмзутся, отымеши дух их, и исчезнут, и в персть свою возвратятся. Послеши Духа Твоего, и созиждутся, и обновивши лице земли. Буди слава Господня во веки, возвеселится Господь о делех Своих, призираяй на землю, и творяй ю трястися, прикасаяйся горам, и дымятся. Воспою Господеву в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослові, душе моя, Господа.

Солнце позна запад свой: положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава, и ныне:

Аллилу́иа, аллилу́иа, аллилу́иа, сла́ва Тебе́ Бо́же. Трижды.

Го́споди, помѝлуй. 12.

Сла́ва, и ны́не:

Го́СПОДИ, ВОЗЗВА́Х, ГЛАС 8-й.

Го́споди, воззва́х к Тебе́, услы́ши мя. / Услы́ши мя, Го́споди.

Го́споди, воззва́х к Тебе́, услы́ши мя: / вонми́ гла́су моле́ния моего́, /
внегда́ воззва́ти ми к Тебе́. / Услы́ши мя, Го́споди.

Да испра́вится моли́тва моя́, / я́ко кади́ло пред Тобо́ю, / воздея́ние руку́
моёю / — же́ртва вече́рняя. / Услы́ши мя, Го́споди.

На 10: Изведи́ из темни́цы ду́шу мою́, испове́датися и́мени Твоему́.

Мене́ ждут пра́ведницы, до́ндеже возда́си мне.

На 8: Из глубины́ воззва́х к Тебе́, Го́споди, Го́споди, услы́ши глас мой.

Да бу́дут у́ши Твой внемлю́ще гла́су моле́ния моего́.

На 6: А́ще беззако́ния на́зриши, Го́споди, Го́споди, кто постои́т? Я́ко у Тебе́
очище́ние есть.

И́мене ра́ди Твоего́ потерпе́х Тя, Го́споди, потерпе́ душа́ моя́ в сло́во Твое́,
упова́ душа́ моя́ на Го́спода.

На 4: От стра́жи у́тренняя до но́щи, от стра́жи у́тренняя да упова́ет
Изра́иль на Го́спода.

Я́ко у Го́спода ми́лость, и мно́гое у Него́ избавле́ние, и Той изба́вит
Изра́иля от всех беззако́ний его́.

Ра́дуйся и весели́ся, гра́де Сио́не, красуй́ся и ра́дуйся, Це́ркве Бо́жия.
Се бо Царь твой прииде в пра́вде, на жребя́ти седа́, от дете́й
воспева́емый: осанна в вы́шних, благословен еси́, Име́й мно́жество
щедро́т, помѝлуй нас.

На 2: Хвали́те Го́спода вси язы́цы, похвали́те Его́ вси лю́дие.

Прииде Спас днесь во град Иерусали́м, испо́лнити Писа́ние, и вси
прия́ша в ру́ки ва́иа: ри́зы же подсти́лаху Ему́, ве́дуще я́ко Той есть Бог
наш, Ему́же Херув́ими вопи́ют непреста́нно: осанна в вы́шних,
благословен еси́, Име́й мно́жество щедро́т, помѝлуй нас.

Я́ко утверди́ся ми́лость Его́ на нас, и и́стина Госпо́дня пребыва́ет во век.

На Херув́имех носи́мый и пева́емый от Сераф́им, возсе́л еси́ на жребя́
дави́дски, Бла́же, и де́ти Тя воспева́ху благоле́пно, иудее́ же хуля́ху

беззаконно: стропотное языков седище жребца прообразоваше, из неверия в веру претворяемое: слава Тебе, Христе, Едине Милостиве и Человеколюбче.

Слава, и ныне, глас 8:

Радуйся и веселися, граде Сионе, красуйся и радуйся, Церкви Божия. Се бо Царь твой прииде в правде, на жребяти сядя, от детей воспеваемый: осанна в вышних, благословен еси, Имей множество щедрот, помилуй нас.

СВЕТЕ ТИХИЙ

Свете тихий святых славы, / Безсмертного, Отца Небесного, / Святого Блаженного, Иисусе Христе. / Пришедше на запад солнца, / видевше свет вечерний, / поем Отца, Сына и Святого Духа, Бога. / Достойн еси во вся времена / петь быти гласы преподобными, / Сыне Божий, живот дай, / темже мир Тя славит.

Прокимен, глас 8: Се, ныне благословите Господа, вси рабы Господни.

Стих: Стоящий во храме Господни, во дворах дому Бога нашего.

Се, ныне благословите Господа, вси рабы Господни.

СПОДОБИ, ГОСПОДИ

Сподоби, Господи, в вечер сей без греха сохранитися нам. / Благословен еси, Господи Боже отец наших, / и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя. / Благословен еси, Господи, научи мя оправданием Твоим. / Благословен еси, Владыко, вразуми мя оправданием Твоим. / Благословен еси, Святыи, просвети мя оправданием Твоим.

Господи, милость Твоя во век, дел руку Твоею не презри. / Тебе подобает хвала. Тебе подобает пение, / Тебе слава подобает, Отцу и Сыну и Святому Духу, ныне и присно и во веки веков. Аминь.

Господи, помилуй. 12.

Слава, и ныне:

СТИХИРЫ НА СТИХОВНЕ, ГЛАС 2

От ветвей и вай, яко от Божественна праздника в Божественный прешедше праздник, к честному Христовых Страстей, вернии, стецемся таинству спасительному, и Сего видим, за нас страсть терпяща вольную. Тому же пение подобное, благодаряще, воспойм, умильно

зовуще: благоутрѣбія Исто́чнице и спасѣнія Приста́нище, Го́споди, сла́ва Тебѣ.

Глас 3

Стих: Воспойте Го́сподеви песнь но́ву.

Стра́шно е́же впа́сти в ру́це Бо́га Жи́ва: Сей Судия́ есть помышлѣний и мы́слей сердѣчных, никто́же да вни́дет искуша́яй ве́ру непоро́чную: но в крѣ́тости и стра́се Христу́ присту́пим, да при́йдем ми́лость и благода́ть обря́щем, во благовре́менную по́мощь.

Глас 7

Стих: Ви́деша вси концы́ земли спасѣ́ние Бо́га на́шего.

Сѡнмице лука́вая и прелюбодѣ́йная, своему́ му́жу не сохрани́шая ве́ру, что́ держи́ши завет, е́гоже не была́ еси́ наслѣ́дница? Что́ хвали́шися о Отце́, Сы́на отве́ргшаяся? Проро́ки не при́яла еси́, Сы́на возвесті́вшыя: понѣ́ своихъ ча́д усрами́ся, си́це вопи́ющих: осанна́ Сы́ну Дави́дову, благослове́н Гряды́й во И́мя Госпо́дне.

Сла́ва, и ны́не, глас 3:

Стра́шно е́же впа́сти в ру́це Бо́га Жи́ва: Сей Судия́ есть помышлѣний и мы́слей сердѣчных, никто́же да вни́дет искуша́яй ве́ру непоро́чную: но в крѣ́тости и стра́се Христу́ присту́пим, да при́йдем ми́лость и благода́ть обря́щем, во благовре́менную по́мощь.

Молитва святаго Симеона Богоприимца

Ны́не отпу́щаеши раба́ Твоего́, Влады́ко, по глаго́лу Твоему́ с ми́ром: я́ко ви́деста о́чи мои́ спасѣ́ние Твое́, е́же еси́ угото́вал предъ ли́цемъ всехъ люде́й, свет во откровѣ́ние язы́ков, и сла́ву люде́й Твои́хъ Изра́иля.

Та́же:

Святы́й Бо́же, Святы́й Кре́пкий, Святы́й Безсме́ртный, поми́луй нас. Трижды, и три поклона.

Сла́ва Отцу́, и Сы́ну, и Свято́му Ду́ху, и ны́не и прі́сно, и во ве́ки веко́в. Ами́нь.

Пресвята́я Тро́ице, поми́луй нас: Го́споди, очисти́ грехи́ на́ша; Влады́ко, прости́ беззакѡ́нія на́ша; Святы́й, посети́ и исцели́ немо́щи на́ша, имене́ Твоего́ ра́ди.

Го́споди, поми́луй. Трижды.

Сла́ва, и ны́не:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Тропарі, глас 4:

Богородице Дѣво, радуйся, Благодатная Маріе, Господь с Тобой: благословѣна Ты в женах и благословѣн Плод чрева Твоего, яко Спаса родила еси душ наших. **Земной поклон.**

Слава: Крестителю Христов, всех нас помяни, да избавимся от беззаконий наших: тебѣ бо дадеся благодать молиться за ны. **Земной поклон.**

И ныне: Молите за ны, святїи апостоли, святїи вси, да избавимся от бед и скорбей, вас бо теплыя предстатели ко Спасу стяжаем. **Земной поклон.**

Под Твое благоуробие прибегаем, Богородице, молѣния наша не презри во обстоянии, но от бед избави ны, Едина Чистая, Едина Благословенная. **Без поклона.**

Господи, помилуй. 40.

Слава, и ныне:

Честнейшую Херувим, и славнейшую без сравнения Серафим, без истлѣния Бога Слова рождшую, сущую Богородицу Тя величаем.

Молитвами святых отец наших, Господи Иисусе Христе, Боже наш, помилуй нас. Аминь.

И молитву:

Небесный Царю, веру утверди, языки укроти, мир умири, святыи храм наш добре сохрани: прежде отшедшыя отцы и братию нашу в селениих праведных учини: и нас в покаянии и исповѣдании приими, яко Благий и Человеколюбец.

Молитва святаго Ефрема Сирина:

Господи и Владыко живота моего, дух праздности, уныния, любоначалия, и празднословия не даждь ми. **Земной поклон.**

Дух же целомудрия, смиренномудрия, терпѣния, и любви, даруй ми рабу Твоему. **Земной поклон.**

Ей, Гóсподи Царю, даруй ми зрѣти моя прегрѣшѣния, и не осуждати брата моего, яко благословѣн еси во вѣки вековъ. Амѣнь. **Земной поклон.**

Слава, и нынѣ:

Гóсподи, помилуй. **Трижды. Благослови.**

Отпуст

Грядый, Гóсподи, на вольную страсть нашего ради спасения, Христѣ, истинный Бóже наш, молитвами Пречистой Твоей Матере, святыхъ славныхъ и всехвальныхъ апостолъ, святыхъ и праведныхъ Богоотцевъ Иоакима и Анны и всехъ святыхъ, помилуй и спаси насъ, яко Благъ и Человеколюбецъ. Амѣнь.

Великаго господина и отца нашего Кирилла, / Святѣйшаго Патриарха Московскаго и всея Руси, / и господина нашего высокопреосвященнейшаго **имярек**, / митрополита [**или:** архиепископа; **или:** преосвященнейшаго **имярек**, епископа] [**егоже есть область**], / настоятеля, братию и прихожанъ святаго храма нашего, / домочадцы наша и вся православныя христианы, / Гóсподи, сохрани ихъ на многая лета.

МАЛОЕ ПОВЕЧЕРИЕ

Молитвами святыхъ отецъ нашихъ, Гóсподи Иисусе Христѣ, Бóже нашъ, помилуй насъ. Амѣнь.

Слава Тебѣ, Бóже нашъ, слава Тебѣ.

Царю Небесный, Утѣшителю, Дúше истины, Иже везде сый и вся исполняй, Сокровище благихъ и жизни Подателю, прииди и вселися в ны, и очисти ны от всякия скверны, и спаси, Блаже, дúши наша.

Святый Бóже, Святый Крепкий, Святый Безсмертный, помилуй насъ. Трижды, и три поклона.

Слава Отцу, и Сыну, и Святому Дúху, и нынѣ и присно, и во вѣки вековъ. Амѣнь.

Пресвятая Троице, помилуй насъ: Гóсподи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Гóсподи, помилуй. Трижды.

Слава, и нынѣ:

Отче нашъ, Иже еси на Небесехъ, да святится имя Твое, да придетъ Царствие Твое, да будетъ воля Твоя, яко на Небеси, и на земли. Хлебъ нашъ насущный

даждь нам днесь; и оста́ви нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

[Я́ко Твое́ есть Ца́рство и си́ла и сла́ва во ве́ки. Ами́нь. (Мф. 6: 9-13)]

Го́споди, поми́луй, 12.

Сла́ва, и ны́не:

Прииди́те, поклони́мся Цареву нашему Богу.

Прииди́те, поклони́мся Христу́, Царе́ви на́шему, Бо́гу.

Прииди́те, поклони́мся и припаде́м Само́му Христу́, Царе́ви и Бо́гу на́шему.

Псалом 50

Поми́луй мя, Бо́же, по вели́цей ми́лости Твое́й, и по мно́жеству щедро́т Твои́х очи́сти беззако́ние моё. Наипа́че омы́й мя от беззако́ния моего́, и от греха́ моего́ очи́сти мя; я́ко беззако́ние моё аз зна́ю, и грех мой предо мно́ю есть вѣну. Тебе́ Еди́ному согреших и лука́вое пред Тобо́ю сотвори́х, я́ко да оправди́шия во словесе́х Твои́х, и победи́ши внегда́ суди́ти Ти. Се бо, в беззако́нных зачат есмь, и во гресе́х роди́ мя ма́ти моя́. Се бо, и́стину возлюбил еси́; безвѣстная и та́йная премудро́сти Твоея́ явил ми еси́. Окропи́ши мя иссо́пом, и очи́шуся; омы́еши мя, и па́че сне́га убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мои́х и вся беззако́ния моя́ очи́сти. Сѣрдце чи́сто сози́жди во мне, Бо́же, и дух прав обнови́ во утробе мое́й. Не отвержи мене́ от лица́ Твоего́ и Ду́ха Твоего́ Свята́го не отыми́ от Мене́. Возда́ждь ми ра́дость спасе́ния Твоего́ и Ду́хом Влады́чним утверди́ мя. Научу́ беззако́нныя путе́м Твои́м, и нечести́вии к Тебе́ обратят́ся. Изба́ви мя от крове́й, Бо́же, Бо́же спасе́ния моего́; возра́дуется язы́к мой пра́вде Твое́й. Го́споди, устне́ мои́ отверзеши, и уста́ моя́ возвестят хвалу́ Твою́. Я́ко а́ще бы восхотѣл еси́ жѣртвы, дал бых у́бо: всесо́жжения не благоволи́ши. Жѣртва Бо́гу дух сокруше́н; сѣрдце сокруше́нно и смире́нно Бог не уничи́жит. Ублажи́, Го́споди, благоволе́нием Твои́м Сио́на, и да сози́ждутся стѣны Иерусали́мския. Тогда́ благоволи́ши жѣртву пра́вды, возноше́ние и всесо́жегаемая; тогда́ возложат на олта́рь Твой тельцы́.

Псалом 69

Бо́же, в по́мощь мою́ вонми́, Го́споди, помо́щи ми потщи́ся. Да постыда́тся и посра́мятся и́щущи ду́шу мою́, да возвратят́ся вспя́ть и постыда́тся хотя́щии ми злая́. Да возвратят́ся а́бие стыдя́щися глаго́лющии ми: благо́же, благо́же. Да возра́дуются и возвеселя́тся о Тебе́ вси и́щущи Тебе́, Бо́же, и да

глаголют вѣину, да возвеличится Господь, любящий спасение Твое: аз же нищ есмь и убог, Боже, помози ми: Помощник мой и Избавитель мой еси Ты, Господи, не закосни.

Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвые века. И уны во мне дух мой, во мне смятеся сердце мое. Помянух дни древния, поучихся во всех делах Твоих, в творениях руку Твоею поучахся. Воздох к Тебе руке мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от Мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь вонже пойду, яко к Тебе взял душу мою. Изми мя от враг моих, Господи, к Тебе прибегах. Научи мя творить волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Великое славословие

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи, Царю Небесный, Боже, Отче Вседержителю, Господи Сыне Единородный, Иисусе Христэ, и Святыи Душе. Господи Боже, Агнче Божий, Сыне Отечь, вземляй грех мира, помилуй нас. Вземляй грехи мира, прими молитву нашу. Седяи одесную Отца, помилуй нас. Яко Ты еси Един Свят; Ты еси Един Господь, Иисус Христос, в славу Бога Отца, аминь.

На всяку ночь благословлю Тя и восхваляю имя Твое во веки, и в век века.

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творить волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя.

Сподоби Господи, в ночь сию без греха сохранитися нам. Благословен еси Господи Боже отец наших, и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко,

вразуми мя оправданием Твоим. Благословен еси, Святый, просвети мя оправдании Твоими.

Господи, милость Твоя во век, дел рук твоих не презри: Тебе подобает хвала, Тебе подобает пение, Тебе слава подобает, Отцу, и Сыну, и Святому Духу, ныне и присно, и во веки веков. **А**минь.

Верую во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рождена, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на Небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящего, Иже от Отца исходящего, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. **А**минь.

Трипеснец,
творение господина Андрея Критского. Глас 8.

Песнь 1

Ирмос: Сокрушившему брани мышцею Своею и проведшему Израиля сквозе Чермное море, поим Ему, яко Избавителю нашему Богу: яко прославися.

Припев: Слава Тебе, Боже наш, слава Тебе.

Иосифово целомудрие подражаем, вернии, разумеем Почетшаго человеческого словесное существо, всяцем хранением поживше добродетелию действительною.

Слава Тебе, Боже наш, слава Тебе.

Добрых неделание уподобися смоковнице: сего убо уклонимся, да не изсхнем якоже она тогда, соборище, листвием покрывающееся, преднаписующая.

Слава Тебе, Боже наш, слава Тебе.

Образ Владычень подписуя Иосиф, в ров ввержен бывает, продается от сродник, вся терпит приснопамятный, во образ воистину Христов.

Сла́ва Тебе́, Бо́же наш, сла́ва Тебе́.

Смоко́вницы безпло́дствия убежа́вше, бра́тие, разумéим о́браз, да не и́зсхнем, я́коже она́ тогда́, егда́, возвра́щаяся, Чело́веколю́бец При́иде к ней а́лчя.

Сла́ва Тебе́, Бо́же наш, сла́ва Тебе́.

Иису́с за мир тща́ся пострада́ти во́лею, и́дет со ученики́ Свои́ми во град Иеру́сали́м к во́льней стра́сти, ю́же при́иде пострадати.

Сла́ва Тебе́, Бо́же наш, сла́ва Тебе́.

Прилепи́вшеся Го́сподеви, вся тща́щемуся пострада́ти, гото́ви бу́дем на оплева́ние, на поруга́ния и на уничиже́ния: я́ко да пречи́стыми Его́ страстьми́ просла́вимся, ве́рнии.

Сла́ва Тебе́, Бо́же наш, сла́ва Тебе́.

Страстьми́ стра́сти исцеля́ет Пострада́вый о нас: хотя́ бо произво́дит на на́ше сущест́во чело́веческое, живото́рная Сво́я страда́ния, да мы спаса́емся.

Сла́ва Отцу́, и Сы́ну, и Свято́му Ду́ху.

Трои́чен: Три Безнача́льна просла́вляю, Три Свя́та пою, Три Соприсносу́щна во Еди́ном Сущест́ве пропове́дую: Еди́н бо во Отце́, Сы́не и Ду́се славосло́вится Бог.

И ны́не, и прі́сно, и во ве́ки веко́в. Ами́нь.

Богородичен: Жезл у́бо Моисе́ов, и жезл Ааро́нов, стра́нное претворе́ние, и па́че ума́ смотре́ние име́ша: Твое́ же чре́во, Богороди́тельнице, рождество́ обновля́ет но́вое.

Ирмо́с: Сокруши́вшему бра́ни мы́шцею Сво́ею и провед́шему Изра́иля сквозе́ Чермнóе мо́ре, по́йм Ему́, я́ко Изба́вителю на́шему Бо́гу: я́ко просла́вися.

Го́споди, поми́луй. Трижды.

Сла́ва, и ны́не:

Седáлен, глас 4:

Смоко́вницы осужде́ние да не предва́рит тя, но благі́я пло́ды потщи́ся се́рдца брозда́ми, душе́, Творцу́ тво́ему Христу́ возвести́ в пока́нии Ему́ принося́щи.

Песнь 8

Ирмós: На горé святéй прослávльшася и в купинé огнём Приснодéвы Моисéови та́йну я́вльшаго, Гóспода по́йте и превозно́сите во вся вéки.

Слáва Тебé, Бóже наш, слáва Тебé.

Целомúдрием украсívше житиé и мúдростию сохрани́вше véру, правды нрáвы взýщем, да, в мýжестве спослédующе, Христóви сраспнёмся.

Слáва Тебé, Бóже наш, слáва Тебé.

Другúю Ё́ву обрёт егíптянину, не победíся к неподóбному дея́нию Патриáрх Ио́сиф, но ста, я́коже нéкий адама́нт, от страстéй не ят грехóвных.

Слáва Тебé, Бóже наш, слáва Тебé.

Преходя́ житéйская шéствия, Спáсе мой, взалка́л есí во́лею, спасéния всех желáя: сегó бо взалка́л есí – обращéния от Тебé удалéнных.

Слáва Тебé, Бóже наш, слáва Тебé.

Праотéц вкуш от дрéва, я́ко позна́ся наг и посрамлén, ли́ствие смоковное́ взем препоя́сая: собóрище бо обнажénное Христá проображáшеся.

Слáва Тебé, Бóже наш, слáва Тебé.

Готóвися, душé, прéжде исхóда, устрóй себé ко óному жити́ю и Христú, тебé рáди пострада́ти тщáщемуся, да тя прослáвит, потщíся спострада́ти, и сраспýтися, и умрéти.

Слáва Тебé, Бóже наш, слáва Тебé.

Кáко не ужаснётся смерть, Спáсе мой, кáко не убойтсá ад, сретýй Тя, по благоизволéнию к стра́сти тщáщагося, и от непра́ведных Пра́ведна Тя зря пострада́ти пришédша?

Слáва Тебé, Бóже наш, слáва Тебé.

Лáзаревó востáние вíдевше иудéи, священницы́ и левíти, клýтвенное соглáсие зáвистию уготóвльше, лéстию предáтельства Христá преда́ша на смерть Пилáту.

Слáва Тебé, Бóже наш, слáва Тебé.

А́гница Твоя́, и Раба́, и Дéва, к стра́сти Тя устремля́ющася вíдящи и дýшу о нас полага́юща, Дóбрагопáстыря, утрóбою Мáтернею по Тебé рыда́ше.

Благословім Отца, и Сына, и Святаго Духа, Господа.

Трѣицѣн: Яко Единицу существом пою Тя, яко Троицу Лицы Тя чту, Отче, и Сыне, и Духе Пресвятый: безначальную державу Твоего Царствия славлю во веки.

И ныне, и присно, и во веки веков. Аминь.

Молит Тя, Христѣ, Богородица, молит ученик Твоих собор: Твой мир даруй миру Твоему, и щедроты Твоя подаждь нам богато во веки.

Хвалим, Благословим, покланяемся Господеву, поюще и превозносяще во вся веки.

Ирмос: На горе святей прославльшася и в купинѣ огнем Приснодѣвы Моисеови тайну явльшаго, Господа пойте и превозносите во вся веки.

Песнь 9

Ирмос: Чужде матерем дѣвство и странно дѣвам деторождение: на Тебѣ, Богородице, обою устроишася. Тем Тя вся племена земная непрестанно величаем.

Слава Тебѣ, Боже наш, слава Тебѣ.

Чужде есть нечестивым целомудрие, и странно праведником законопреступление: Иосиф же великий уклонися греху, и целомудрия бысть образ и подобие, воистину Христово.

Слава Тебѣ, Боже наш, слава Тебѣ.

Чужде есть беззаконником благозаконие, и странно неверным богоразумие, иудее же сия отринуша за беззаконие. Темже и еднии сами наследоваша, якоже смоковница, клятву.

Слава Тебѣ, Боже наш, слава Тебѣ.

Взалка человеческого спасения, хлеб сый жизни, Христос и Бог мой. Темже смоковницу предварив, бесплодное соборище, листвию обрастшую законно, яко виде, проклят.

Слава Тебѣ, Боже наш, слава Тебѣ.

Законное неплодие проклял еси, яко листвие, процветающее письменосенный разум, плодов же дел не имущее за беззаконие: нас же всех благодати сынов, Спасе, Благослови.

Слава Тебѣ, Боже наш, слава Тебѣ.

Жезл ўбо Моисеев дрэвле в змию, Ааронов же жезл в зéлено преложіся и процветé ліствие: непло́дное же изсо́хшее собóрище законопресту́пное в непло́дную преложіся смоко́вницу.

Сла́ва Тебе́, Бо́же наш, сла́ва Тебе́.

Готови́, Иудее, священники Твоя́ и устрои́ ру́це к богоуби́йству: се бо при́иде Кро́ткий и Молчали́вый на страсть, А́гнец сый и Па́стырь наш, Христóс, Царь Изра́илев.

Сла́ва Тебе́, Бо́же наш, сла́ва Тебе́.

Приими́, Иудее, Царя: се бо на страсть прихóдит волею, да постра́ждет и спасéт зову́щия непрестáнно: благословéн Гряды́й спасти́ Крестóм вся́ческая.

Сла́ва Тебе́, Бо́же наш, сла́ва Тебе́.

Обрати́л есть, Иудее, праздни́ки Твоя́ в плачь Влады́ка, по проро́честву: богоуби́йца бо показáлся еси́ Обраща́го дрэвле ка́мень и несеко́мый во исто́чники водны́я и езе́ра, я́коже поёт Дави́д.

Сла́ва Отцу́, и Сы́ну, и Свято́му Ду́ху.

Трои́чен: Чужде есть беззако́нным е́же Тя сла́вити Безнача́льное Суще́ство, Отца́, и Сы́на, и Свята́го Ду́ха, Несозда́нное Вседержи́тельство, Имже весь мир соде́лася, ма́нием Божéственныхя держа́вы Твоея́.

И ны́не, и прі́сно, и во ве́ки веко́в. **Ами́нь.**

Богородичен: Приво́дим в моли́тву Богороди́цу: Той моли́твами и апо́стол Твои́х о́бщники ны сотвори́, Влады́ко, благі́х Твои́х и све́тлости сподо́би, Спа́се, Воскресе́ния Твоего́.

Ирмо́с: Чужде ма́терем де́вство и стра́нно де́вам деторожде́ние: на Тебе́, Богороди́це, обо́я устрои́шася. Тем Тя вся племена́ земна́я непрестáнно велича́ем.

Святы́й Бо́же, Святы́й Кре́пкий, Святы́й Безсме́ртный, поми́луй нас. **Трижды, и три поклона.**

Сла́ва Отцу́, и Сы́ну, и Свято́му Ду́ху, и ны́не и прі́сно, и во ве́ки веко́в. **Ами́нь.**

Пресвята́я Трои́це, поми́луй нас: Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, поми́луй. **Трижды.**

Сла́ва, и ны́не:

О́тче наш, Ё́же еси́ на Небесѣх, да святѣ́тся ѡ́мя Твое́, да прѣидет Цѣ́рствіе Твое́, да бу́дет во́ля Твоя́, ꙗ́ко на Небесѣ́х, и на землѣ́х. Хлеб наш насущный даждь нам днесь; и оста́ви нам до́лги на́ша, ꙗ́коже и мы оставля́ем должникомъ на́шим; и не введѣ́ нас во искуше́ніе, но изба́ви нас от лука́ваго.

[Я́ко Твое́ есть Цѣ́рство и си́ла и сла́ва во ве́ки. Ами́нь. (Мф. 6: 9-13)]

И конда́к, глас 8:

Иа́ков рыда́ше Ио́сифова лишѣ́нія и до́блій седи́ше на колесни́це, ꙗ́ко царь почита́ем: егѣ́птяныни бо тогдѣ́ сласте́м не порабо́тав, возпросла́вляшеся от Ве́дущаго челове́ческаго сердца́ и Посыла́ющаго венѣ́ц нетле́нный.

Го́споди, поми́луй. 40.

Ё́же на всякое вре́мя и на всякий час, на Небесѣ́х и на землѣ́х, покланя́емый и сла́вимый, Христѣ́ Бо́же, Долготерпелѣ́ве, Многомѣ́лостиве, Многоблаготро́бне, Ё́же пра́ведныя любя́й и грѣ́шныя мѣ́луяй, Ё́же вся зовѣ́й ко спасѣ́нію обеща́нія ра́ди бу́дущих благ. Сам, Го́споди, прѣими́ и на́ша в час сей моли́твы и испра́ви живо́т наш к за́поведем Твоѣ́м, ду́ши на́ша освяте́, телеса́ очѣ́сти, помышле́нія испра́ви, мѣ́сли очѣ́сти и изба́ви нас от вся́кѣх ско́рби, зол и болѣ́зней, оградѣ́ нас святы́ми Твоѣ́ми А́нгелы, да ополче́ніем их соблю́даеми и наставля́еми, дости́гнем в соединѣ́ніе ве́ры и в ра́зум непрѣсту́пныя Твоеѣ́ сла́вы, ꙗ́ко благослове́н еси́ во ве́ки веко́в, ами́нь.

Сла́ва, и ны́не:

Го́споди, поми́луй. Трижды.

Честне́йшую Херувѣ́м / и сла́внейшую без сравне́нія Серафѣ́м, / без истре́ненія Бо́га Сло́ва ро́ждшую, / сущую Богоро́дицу, Тя велича́ем.

Моли́твами святы́х оте́ц на́ших, Го́споди Иису́се Христѣ́, Бо́же наш, поми́луй нас. Ами́нь.

Молитва святаго Ефрема Сирина:

Го́споди и Влады́ко животѣ́ моего́, дух прѣ́здности, уны́нія, любонача́лія, и праздносло́вія не даждь ми. **Земной поклон.**

Дух же целомуд́рія, смиренномуд́рія, терпе́нія, и любве́, да́руй ми рабу́ Твоему́. **Земной поклон.**

Ей, Го́споди Царю́, да́руй ми зре́ти моя́ прегрѣше́нія, и не осужда́ти бра́та моего́, ꙗ́ко благослове́н еси́ во ве́ки веко́в. Ами́нь. **Земной поклон.**

Та́кже ма́лых 12 покло́нов, глаго́люще на кійждо: Бо́же, очисти мя грѣшнаго.

И па́ки всю моли́тву Свята́го Ефре́ма и покло́н вели́кий еди́н.

Го́споди, помѝлуй. 12.

И молитва молебная ко Пресвятей Богородице:

Несквѣрная, Неблázная, Нетлѣнная, Пречѣстая, Чѣстая Дѣво, Богоневѣсто Владычице, яже Бо́га Сло́ва челове́ком преслáвным Твоѣм Рождество́м соединѣ́вшая, и отрѣ́нувшееся естество́ ро́да на́шего небѣ́сным совоку́пльшая: яже ненаде́жных еди́на Наде́жда, и борѣ́мых по́моще, гото́вое заступле́ние к Тебе́ притека́ющих, и всех христиáн прибѣ́жище. Не гнуша́йся мене́ грѣшнаго, сквѣ́рнаго, сквѣ́рными по́мыслы, и словесы́, и дея́ньми всего́ себе́ непотрѣ́бна сотвори́ша, и ра́зумом ле́ности сласте́й жити́я раба́ бѣ́вшая; но я́ко человеколю́биваго Бо́га Ма́ти, человеколю́бне умилисе́рдися о мне грѣ́шнем и блу́днем, и приими́ моё, е́же от сквѣ́рных усте́н приноси́мое Тебе́ моле́ние: и Твоего́ Сы́на, и на́шего Влады́ку и Го́спода, ма́тернее Твое́ дерзнове́ние употребле́ющи, моли́, да отве́рзет и мне человеколю́бныя утробы́ Своея́ бла́гости, и презре́в мою́ безчи́сленная прегреше́ния, обрати́т мя к покая́нию, и Своѣ́х за́поведей де́лателя иску́сна яви́т мя. И предста́ни мне при́сно, я́ко ми́лостивая, и милосе́рдая, и благолю́бивая, в настоя́щем у́бо жити́я те́плая Предста́тельница и Помо́щнице, сопроти́вных наше́ствия отгоня́ющи, и ко спасе́нию наставля́ющи мя: и во вре́мя исхо́да моего́ ока́янную мою́ ду́шу соблюда́ющи, и те́мныя зра́ки лука́вых бесо́в далѣ́че от не́я отгоня́ющи: в стра́шный же день суда́ вѣ́чныя мя избавля́ющи му́ки, и неизрече́нныя сла́вы Твоего́ Сы́на и Бо́га на́шего насле́дника мя показу́ющи. Ю́же и да улучу́, Влады́чице моя́, Пресвята́я Богоро́дице, Твоѣм ходата́йством и заступле́нием, благода́тию и человеколю́бием Единоро́днаго Сы́на Твоего́, Го́спода и Бо́га и Спа́са на́шего Иису́са Христа́. Ему́же подобáет вся́кая сла́ва, честь и поклонѣ́ние, со Безнача́льным Его́ Отце́м, и Пресвяты́м, и Благо́м, и Животворя́щим Его́ Ду́хом, ны́не и при́сно, и во ве́ки веко́в, ами́нь.

Молитва иная ко Господу нашему Иисусу Христу,
Антио́ха мона́ха Пандѣ́кта:

И даждь нам, Влады́ко, на сон гряду́щим поко́й те́ла и ду́шѣ, и сохрани́ нас от мра́чнаго сна грехо́внаго, и от вся́каго те́мнаго и но́щнаго сладостра́стия: укроти́ стремле́ния страсте́й, угаси́ разжже́нныя стрѣ́лы лука́ваго, яже на ны льсти́вно двѣ́жимыя: плоти́ на́шея воста́ния утоли́, и вся́кое земно́е и веще́ственное на́ше мудрова́ние успѣ́й. И да́руй нам, Бо́же, бодр ум, целому́др по́мысл, се́рдце трезвѣ́щееся, сон легóк и вся́каго сатани́на мечта́ния

изменён. Возста́ви же нас во вре́мя моли́твы утвержде́ны в за́поведех Твои́х, и па́мьть суде́б Твои́х в себѣ твёрду иму́ща: всенóщное славослóвие нам да́руй, во е́же пѣти и благослови́ти и сла́вити пречестно́е и великолéпое ймя Твоё, Отца́, и Сы́на, и Свята́го Ду́ха, ны́не и прѣсно, и во ве́ки веко́в, ами́нь.

Пресла́вная Присноде́во, Ма́ти Христá Бо́га, принеси́ на́шу моли́тву Сы́ну Твоему́ и Бо́гу на́шему, да спасёт Тобóю ду́ши на́ша.

Молитва иная святаго Иоанникия:

Упова́ние моё Оте́ц, прибѣжище моё Сын, покрóв мой Дух Святы́й, Трѣице Свята́я, сла́ва Тебе́.

Сла́ва, и ны́не:

Го́споди, поми́луй. Трижды. Благослови́.

Отпу́ст

Христé, йстинный Бо́же наш, моли́твами Пречѣ́стныя Твоея́ Ма́тере, преподо́бных и богонóсных оте́ц на́ших и всех святы́х, поми́луй и спаси́ нас, я́ко Благ и Человеколю́бец. Ами́нь.

И просим друг у друга прощения

И молитва:

Ненави́дящих и обидящих нас прости́, Го́споди, Человеколю́бче. Благотворя́щим благосотвори́. Бра́тиям и сродни́ком на́шим да́руй я́же ко спасéнию проше́ния и жизнь вѣчную. В не́мощех сущия посети́ и исцелéние да́руй. Йже в мо́ри упрáви. С путеше́ствующими спутеше́ствуй. Служáщим и ми́люющим нас, грехóв оставлéние да́руй. Заповéдавших нам, недостóйным, моли́тися о них, поми́луй по вели́цей Твое́й ми́лости. Помяни́, Го́споди, прѣ́жде усóпшия отцы́ и бра́тию на́шу, и упоко́й я́, иде́же присещáет свет лица́ Твоегó. Помяни́, Го́споди, бра́тий на́ших пленённых и избáви я́ от вся́каго обстоя́ния. Помяни́, Го́споди, плодоно́сящих и добродéлающих во святы́х Твои́х цѣ́рквах, и даждь им я́же ко спасéнию проше́ния и жизнь вѣчную. Помяни́, Го́споди, и нас, смире́нных и грѣшных и недостóйных раб Твои́х, и просвети́ наш ум свѣ́том ра́зума Твоегó, и наста́ви нас на стезю́ за́поведей Твои́х. Моли́твами Пречѣ́стныя Влады́чицы на́шей Богорóдицы и Присноде́вы Марии́ и всех Твои́х святы́х. Я́ко благословéн еси́ во ве́ки веко́в. Ами́нь.